

حیات

آلتايلره طوغرى

(باشى ۱ نجى يىلك ۱۲ نجى صايسنده)

ايشته بو آقشام دخى سوزلراويون ، اگلنجه ، يومى سرگنشتلردا رهنده دونوب طوررکن بيلم نصل اولدى ده حيات ومعيشت واديلرينه دوکولدى . اركك ، قادين مسافرلر ، مهاجرين ايله آرالرنده تحث ايدن وقايى سويله يوب يتيره مه يورلردى . فقط بوتون بو وقايك حكومت محليه نك مداخلىسى اوزرينه دائما علملرينه نتيجه ويرديگى حقنده سامعنى اينانديرمه چاليشيور ، مثال اوله رق بو بابده بر چوق وقايع خصوصيه اتيان ايد يورلردى .

آلتاي ، صاووراو والرنده نولريني ديكمش سكرسان ، طوقسان بيك گراي - قازاق عالهلرينك استقلال داخيليري ، تشكيلات مليه لرى سايه سنده پك مسعود ومرفه گچندكاري ني هرگون هرمناسبتله گورن وعدد نفوسلرى ميليونلره بالغ اولان بويوك آرخون ونايمان قازاق عالهلرينك كنديلريني دائما بدبخت عدايده جكلرى هله اسارتلرينه برده سفالت انضمام ايدرسه بوسبتون ياسلرى دوشمه جكلرى محققدور ...

ايرته سي صباح اشيالر طويلاندى . او آوولك بوتون اهاليسى ، چولوق چوجوقلرى ، قادين ، قيزلرى هپسى بزم نك اطرافنده گورونيورلردى . نك صاحبه سي صوك دفعه اولمق اوزره هيمزه ، بوتون اوراده بولونانلره قارشى بر قيمز مجلسى ترتيب ايتدى . بو مجلسك رسمى ده آلتى . قرآن كريم تلاوتيله دعالر ايديله رك وداع رسمى اجرا ايديلدى . بن بورادن آته بينه رك گيده جك ايدم . ذاتا ايلرولر عارضه لى بولنديفسدن بش اون كيلو مترودن صوكرا آراباي يول اوزرنده بر يرده بيراقه جق ايدك . بنم ايچون چالمى ، فقط اولدقجه ده خفيف يوروين بر قيصر اق حاضرلندى . برچوق سواري يوله

چیققدق . یول اوزرنده یاریشلر ایدمک ایلروله یوردق . برایکی ساعت صوگرا
آرقهیه دونوب باقدیغمده فایتونک خیلی اوزاقلرده قالمش اولدیغنی گوردم .
آرامزده چولوق، چوجوق وقادینلر بولوندیغنی حالده سواریلرک اؤک عجمیسی
بن ایدم! اقشامه طوغری کیده جگمزیره، قاره ایرتیش بوینده «چوبار آغاج»
ایریشدیگمز زمان آرتیق بن بوتون بوتونه یورغون دوشمش ایدم .

بوراده بر چوق غلبهک قارشولادی . آوولدن خیلی اوزاقلده ، لطیف بر
موقعده ، بر ایرماق کنارنده خصوصی اولهرق دیکیلن نهوه یرلشده . شیمدی
نایمان قیلهسندن بش بیگ نهولی «دورت اوغل» عائله سنک روس حکومتیجهده
مصدق عمومی امامنک مسافری بولنیوردق . بوراده بر قاچ کون قالدق . هر کون
آتله بینه رک اوته بروده گزینتیلر یاپیور ، قومشو آووللره کیدیوردق ، امام
افدینک یاردمیه تورک - قازاق حیاتی ، تشکیلات قدیمه و حاضرهلری حقنده
بر چوق معلوماته دسترس اولدم . بش اون قدرده گوزمل رسملر چیقاره بیلدم .
بو کون قومشو آوولده «تورت اوغل» عائله سنک وولوصی ... اfdینک
نهوینه مدعو بولنیوردق . خیلی غلبهک ایله کیتسده . کندیسی رئیس
اولدیغنی حکومت دائیره سیه کیتمش بولندیغندن قادیغنی طرفندن استقبال اولندق .
یوواجا [۱] لی جای، ات، قیمزایله قازیلق اکرام ایدیلدی . دها بزقیمز باشنده
ایکن اوزاقدن کلکده اولدقلری آکلایشیلان درت بش یولجی ده بر اثر تصادف
اولهرق وولوصه مسافر اولدیلر . آرتق مجلسک نهایته قدر بونلری دیکله دک .
آکلایشیلدیغنه کوره بو یولجیلر اوزاقلرده ، اوچ دورت کونلک بر مسافده
اغنیادن بریسنک وفاقی ائناسنده ایتدیکی وصیتی موجبجه ورته سی طرفندن بر
چوق فداکارلقلر ، مصرفلر اختیاریه ترتیب ایدیلن آس [۲] ه کیتمشلر .
بشیوز آتک اشتراکیله قرق ویرستلک مسافده دن بر یاریش اجرا ایدیلش . بزم
طانیدقلر مزدن بریسنک آتی اون بشنجیلکی ، فقط بونلره عائدا اولان آتده

[۱] قانجه یوغوریلان خور ، پارچه پارچه کیسه رک یاغ ایچنده پیشیریلور .

[۲] آس : آش ، یئک معناسنه کلیر ایسه ده بوراده اغنیادن برینک وفاقی
اوزرینه پک عمومی صورتده ترتیب ایدیلن بر ضیافتدر . بو ضیافت اوچ دورت کون
قدر دوام ایدر ؛ اطراف شتادن مسافرلر کلیر ؛ بومناسبتله آت یاریشلری اجرا ایدیلور .

قرقچیلینی قازانمش ، بر چوق آتلرده یولده قالمش ؛ بر قسیمی ده یانه رق ئولش ؛
النجی به قدرده مکافاتار ویریلش اولدیغنی آکلایوردق ...

« پتمدی »

صلیم ثابت



تورکلر سونی

عثمانی - بلغار صلمی . — طالعیسز بر حربك سوکنده تورکلرک آذربجیق بوزلری
کولدی . کنج تورکلر سیاستده جسور ، عسکرلکده ماهر طاورانه رق آلدن کینمش
تورک ایلینک بر پارچه سنی استرداد ایدیه بیلدیلر . بر قاچ آی اول غالب اردو سنک اوکنده
مظفر بر قوماندان صفتیه عثمانیلره مضر و محقر بر معاهده فی امر و املا ایتدیرن جفرال
صاووف ، بر قاچ هفته اول نازک ، او یصال بر دیلومات قیافتنده باب عالی به ، صلح ایسته مه به
کلدی ؛ بر قسم ادرنه ولایتک و بوتون ادرنه مستحکم اردو کاهنک بزده قالماسنه . دیگر
مسئله لرکده آرزومن دائره سنده حل ایدیه سنه موافقت ایتدی . بویه جه ، تورکیه کجی
حربده اک جوق اوغراشدینی اک قوی خصمندن بر آرز اوجنی آلدی . دیمکدر .
بز ، حربدن اول ، تورکیه نك بالقانلرده اک تهلیکلی دشمنی اسلاولر اولدیغنه قانعدک .
اسلاو تهلیکسی تورکلر قدر هله نلری ده تهدید ایتدیکندن بواکی عنصرک او بوشه رق
مدافعه موجودیت اتمه لری ممکن ولزم صانیوردق . لکن وقایع ، مع التأسف آرزومن
دائره سنده جریان ایتدی . هله نلره اسلاولر برکوب تورکلر علیه یورودیلر . تسالیا
محاربه سنندن اعتباراً استانبولله آتنه آره سنده تأسس ایدن ایی مناسبت بوزولدی ؛ حتی
بوندن سوکره تماماً دوزله سی ده بر آرز زورچه در .

محاربه لر ، موجود موازنلری آلت اوست ایدرلر ؛ محاربه لری متعاقب بین الدول
اتفاقلر ، اشتغاللر ، مناسبتلر اکثر یا ده کیشیر . اسلاواق سوک محاربه ایله ، روم ایلیده
تورکلره ویره جکی ضررک اعظمیسنی ایراث ایتدی . اکثریت اهالیسی اسلاو اولان ولایتلرک
هپسی ممالک عثمانیه دن آیریلدی . اسلاولرک اوروپاده تورکلره مان هپج آلیش ویریشی
قالمادی . اسلاولر ، بوندن سوکره ، کندی آره لرنده ، ویاخود تاریخی خصملری اولان
هله نلره قوزیلرینی پایلاشمه به مجبور اوله جقلردر . آسیای عثمانیده ایسه تک بردانه بیه
اسلاو یوقدر .

لکن هله نلره تورکلرک تماس و حتی تصادم نقطه لری ، بو محاربه ایله اکبلمش دکل .
آرتعمشدر . ایلك دفعه ، بوندن یوز یکریمی یوز اوتوز ییل اول ، ایکنجی دفعه طغسان
شوقدر ییل اول ، ینه اسلاولرک یاردیمیه ییزانس ایمبراطورلغنی احیایه قالدیشان کنیش
خیالی هله نلر . بو سفرده عین مقصدک آرقاسندن نمایشکارانه قوشوب طور یورلر :